

17.25 CUNTRASTS SIN SRF 1

Svanida – nua è Luzia Lutz?

*Ina chara persuna svanescha e resta nunchatta-
bla. Ina situaziun inimaginabla! E tuttina, per-
sonas svaneschan e na turnan mai pli.*

Avant 8 onns è Luzia Lutz svanida. Suen-
ter far cumissiuns en in center da cum-
pras cun ses um, è ella ida sin tualetta e
mai pli turnada. Tuttas retschertgas da la
famiglia e da la polizia n'han purtà nagut.
Fin oz resta la famiglia enavos cun las re-
gurdientschas vi da lur mamma e dunna.
La preistorgia da Luzia Lutz raquinta d'in
destin tragic, d'in lung cumbat cunter
problems psichics. Er sche tut ils indizis



da las differentas retschertgas inditge-
schan e lain sminar che la dunna da 58
onns ha pli probabel fatg suicidi ils 04
d'october 2014, resta fin oz l'intschertez-
za. Tge è propi capità? Il film dals
«Cuntrasts» mussa l'istorgia da la spari-
ziun da Luzia Lutz da l'impussanza da la
famiglia che resta enavos.